

四庫全書

集部

欽定四庫全書

御製詩三集卷三十

古今體一百一十一首

癸未四

耕藉還宮經郊外即目

園居一日又還宮耕藉時因告協風艱矣逢年已游饅
先之力穡在予躬龍衢懶問柳煙窄被隴欣看麥露芄
究是近畿資助厚遠村僻壤詎能同

豐澤園演耕作

耕豈端資習

先皇肇重農一般田器戒三璣藉儀從祈歲有虔志畢
功無愆容旋當千畝莅敬事勅司宗

春耦齋

習罷春耕小憩遲綺窓點筆更餘思狹廬多有胼胝者
念彼應知愧在茲

偶題澄懷堂

澄懷實不易由言若箇能蠲萬慮煩設使予心概排遣

賴誰嘉惠此元元

賦得晴欄花韻

淡蕩風情惠晏溫
旭色鮮催開無柰
候弄影有餘妍
對
埭真佳矣憑欄屬
偶焉渾成羣玉府
詎祇養花天香染
荀郎袖韻宜謝客
編春臺予有志寧
獨錦繭然

齋居即事

常年望雨際今春
望可無然此因滂
後過甚多泥塗竭
力督疏涸稍稍耕
犁扶恤民不恤帑
責人先責吾况當

藉千畝敬事敢緩圖三時期尚遙思艱以嗟吁

題褚遂良書老子西昇經

不愛文奇愛字奇端莊中復具流離遂良師事逢干者
何乃書稱帝嚳師

婉暢容夷有是乎師承得力右軍摹了知獨甲襄陽錄
何必兼思右相圖

祭

先農壇禮成遂耕藉

吉藉將耕塲

先農敬祭壇粢盛供

上帝耒耜率千官樂史祥風叶稼臺田器觀潦餘祈殖
穀怵惕更難安

耕藉禾詞四首

勤民大事考禋宗御耦躬臨百辟從罷設絲棚惟露冕

耕藉舊例設絲棚
覆畝朕命罷之匪緣節用實欽農

一墾三推古禮詳更教加一肇

先皇重農要欲所無逸

家法繩繩自我夔

三九班陳王與卿遵儀將事共寅清兩年盛典䟽巡狩

辛巳壬午皆以
巡行未舉是典一意祈豐益敬誠

土潤無資潑水脩亦非望雨盼鳴鳩青箱依舊黃牛瘦
澇後農艱實有由

啓蹕恭謁

泰陵即事書懷

東歸慕志早西懸為是瞻依又隔年吉亥剛教扶黛耜
翼辰遂復啓華旂羽林不許輕蹂躪方伯申言速導宣
時以天津文安一帶積潦未盡消涸中命協辦
大學士兆惠會同直督方觀承前往相度宣洩此逮麥
秋猶兩月戒盈漫頌茂芊芊

過盧溝橋書懷

微波春水漲沙灘詎啻春微桑且乾祇以渾流非一往
每防夏汛有千難作隄已逮騎牆勢輸尾惟圖措火安
下口運河為之阻渾流既不可入運惟使蕩漾於淀池
及窪地自乾隆元年以來已三易其處矣今之下口據

方觀承以為可行二十餘年知
其非長策而實無計可圖也

博覽從來治河策不寧

斯矣為長歎

途中即事

兩行煙柳越婆娑舊路時深已作河
不惜星星欲爾許
祇憂總總竟如何有成夫子三年用
永慕

鼎湖廿載過恒憶佛肩愁弗逮
竄增愁是此途多

麥色

西來麥色較東強詎敢先言餅餌香
忍餓憐他播種出

慰中總切視如傷

雜言

行過高原處攬轡問農父云不雨無妨其意似資雨曾

未數里遙下隰多濕所農言不雨佳雨實艱種黍以予

觀大局麥苗已全吐大田亦種齊雨不雨均可叶所厘

在津門疏涸功半補

海河宣渠積水五壩之外現既增疏十溝旁近被澇二百九十一村

已涸二百有十田畝漸次播種餘亦日減數寸復命兆惠同方觀承再赴津門詳度歲事益以雨仍

潦安望春耕舉邇日頗多風時復霏逢土一幸不雨暫

一懼不雨久叶方寸萬慮多所從竟奚主然無非為民

禱言識心苦

過安河疊辛巳舊作詩韻

辛巳過濡水初命濬濡源安東及高陽彷彿名同傳

濡潤

也故以名水者不一而足在直隸已有三說文出安東入漆洑者涿郡之濡也左傳出高陽者河間之濡也廣興記出易州窮獨山一名聖女水者即此地方大吏名之曰安國河條陳疏渠事宜乾隆辛巳準其奏賜名安河是濡在州北為三易上源之一又獨石口外聖女出濡水讀作難即灤河源字同音異與此無涉也

易州實與易水連歲久浸入沙無足資灌田天然利民

澤可使虛滲乾發帑俾䟽剔其功非唐捐安河易新名
聽予有後言雖云善其初久要宜敬旃閘壩時脩治俾
毋濫軼川輪日以輸漑人和可格天經過示梗概所重
惟籲年

永慕齋

別館

紅牆外蒼茫賸嶺煙質明將有事徹夜耿無眠

冠劍惟希見露霜又隔年暗琴階下滴總是寫哀絃

恭謁

泰陵

呼

天難應地萬古不春時到此驚如昨無言祇益悲愛民
承

昔篤勤政勵今為九叩還三奠迴瞻欲去遲

風

邇日東風頗覺頻沙田堀堞見揚塵或言沮洳利水涸

已慮因循防雨屯好惡真教難定已溺飢惟是屢憂民
明知時若原艱致時若今年盼孟諄

半壁店

前朝方過去今日復歸來一瞬誠速矣百年視此哉簾
垂風自捲花對客新開何必懷虛擲毫與作陪

菜花三首

菜花韡間麥苗芄一片黃雲颺惠風亦有蜂遊將蝶戲
絕勝李白與桃紅

連阡正色燦裳裳漫議枝頭不吐芳功在閭閻資日用
此香真比蕙蘭香

花葉分明兩色披亦農計也禁驅馳衣裳黃綠非顛倒
邨邑風人若刺為

迴鑾詣

暢春園問

皇太后安

展叩禮咸施迴鑾謁

聖慈曰方敢易地言復不過時

純嘏惟

天錫遐齡以

德基蟠桃花滿樹舉目是西池

賦得從善如登

得難字八韻
會試題

四德曾掄長

易文言元者
善之長也

一心亦有端

朱子詩因心有
明訓善端得深

培

雖云本皆具可識欲從難疏易義猶著逆詩語豈謾

舜因樂取大回致末由歎克已祛非禮同人應去聲所安

况居元首貴敢棄謹言寒九仞虧當戒片長納必殫遐
思虞夏積景仰意遑寬

和蘇軾過溪橋詩韻

南山幽邃處結庵倚陵邱其上多風篁四時恒似秋庵
名曰方圓無礙何著留辨如口懸河訥若龍歸湫訥辨
兩非真題齋強出頭當時過橋笑至今溪水浮却擬問
東坡底重較劣優惟餘嗑然聲不共逝波流懿彼泉石
間我亦曾吟遊然無學佛閒而有勤民憂

愛烏罕四駿歌

天山左右多回部，聲教古艱通譯鞮。
分疆劃界各領衆，其名不可僂指稽。
愛烏罕實土著國，遙在拔達山更西。
遣使進表非招致，淳泥蠟紙金字題。
先以乘馬色不一，嘉誠那責比物齊。
使者郵至早賜遣，按程馬到憐穿蹏。

曰駢超洱菊花簇度西海，忽蹠金隄

右超洱駢

昂歲之駢若

欽玉用昭徠遠房星低

右徠遠駢

有駢有駢生月融一形十

影耳竹批

右月融駢

凌崑之駢色正白不須鞭策行追覓

右凌

崑白高逾七尺長八尺為龍一一皆馱馱于闐董璫四五

尺

見李伯時五馬圖

伯時圖畫猶艷提別毛按品予嘉號永誌

底貢無乖睽所幸在此懼在此太保作訓吾將俟

題張宗蒼竹塢林亭

般礴曾看運意親無多煙樹足精神虛亭留待千秋客
活畫重逢百代人

遣悶

盼風風甚又嫌風過恐沙埋稚麥芄似此愛憎期必得

果然天地憾猶同已思小雨滋當好復慮低田涸未空
展轉不知何所適更無閒緒問芳叢

賦得宮漏出花遲

得含字
八韻

景短晷長候御林春已酣聲聞高閣報影在液池涵隔
葉徐傳響出叢似帶馥疇人方戒井院吏正攜籃飄若
芳蕤護度如香氣含金徒遲抱箭朱鳥欲停驂宵旰於
馬對寒暄亦藉探幾曾恒有喜惟是每懷慙

靜鑑室

鑑以照為德更以靜為用惟其物不示是故形隨貢既無妍醜見亦免愛憎中題室擬銘盤甄心企空洞

四宜書屋

樸斲三間足攸芋四季佳堪消機政暇仰緬聖人懷山色迎眸靜禽音入聽諧願言肯堂構未得識根茨

春秋花月好風雪夏冬佳一室過客膝四時都愜懷琴書趣逾永池館靜偏諧綠滿窓前草因之玩道茨

無邊風月之閣

清風明月無盡歲千秋公物何拘方高閣之中非亭帚
高閣之外隨探囊乍思玉局賦赤壁又若青蓮歌襄陽
咄哉無逸是我所安能效彼恒徜徉

飛睇亭

翼然亭子冠嶽嵒規仿龍泓式創為

龍泓亭在西
湖龍井上

飛睇

寧論千百里直如井上朗吟時

綠帷舫

傍水林齋葉吐齊煙舫疑掛綠帷低設如借與青蓮李

應是風流到剡溪

遠秀山房

山房來遠秀宜望復宜餐朝暮嵐和靄杉楓翠與丹虛
明無盡藏遙緒可探端緬想陶徵士方當五字安

題莊經館

書館信攸寧新名曰莊經無忘惟好學有暇每來停沼
刺削蒲綠芸翻汗簡青箇中如尚友李揆足芳型

山影樓口號

無定是山態雲煙朝暮殊笑予真捉影合付小樓圖

夜雨

三月廿一日

懼雨未久侵尋望輒轉無非憫農苦常年望愁在未來
今歲望愁加過去潦餘麥秋益迫切亟待青黃接二鬴
邇日不雨縱可待風則甚焉苗覆土二更報雨纔作聲
三更雷電勢已鼓四更即止量地看不過寸餘嗟何補
一宵不寐盼成空京兆奏章朝閱憮

襍言

幽谷惟無私有至斯荅響洪鐘惟虛受來叩必應往河
海不擇流故能成其深泰山不讓壤故能高萬尋衆力
並則萬鈞不足舉羣智用則庶績不足康尺有所短寸
有所長一日二日廼有萬幾動曰已是誰言厥非

無寐

寸雨剛教潤昨宵終朝陰偶細絲飄春雲入夜仍虛度
無寐惟慙六幕調

馬遠江山萬里圖

岷峽西來海去東橫陳南北戒寰中計之萬里惟斯耳
牛女遙源固莫窮

和閒玉幽厓垂釣圖

跼餌幽厓上直鉤應不嫌設如尋姓氏弗呂定為嚴

書和蘇軾過溪橋詩畢復成一首仍用其韻

摹帖無少似仰山還隔邱書詩偶師意望梧頗識秋一

如米臨唐懾於真蹟留

米芾帖有展文皇大令閱不及他書臨寫數本不成信真者在

前氣馥懾人之語
前段臨真蹟似之

一如董書杜石浦懷深湫貌相非聖

教痕乃同釵頭

並其昌書杜詩自識仿聖教序張照跋尾云貌相之無絲毫似七十老翁豈漫

以欺世誠於此頂顙有眼許與共學書是言洵得摹帖神解後段書和韻詩似之天翦揭其義

眼巨言不浮而我此何為嘵辯劣與優蹟藏作者三

蘓詩

及米芾董其昌真蹟並藏內府茲臨坡書長卷付龍井弄歲以當紀遊亦共雲煙流徒因

付名山聊記曾一遊終非所當勤當勤如舜憂

王元中古木幽篁口號

古木似撐羅漢臂幽篁如現龍女身如是說法如是聽

倒退一切拈椎人

題煙月清真樓

春煙淡蕩眉柳絲春月徘徊臨華池不嫌冉冉互暎帶
雅宜淦淦相逶迤輕籠那礙虛明委朗照兼之點綴綺
兩層樓室四面窓俯暢遙吟無不美真為清體清真用
煙月名殊其實共底須秉燭與飛觴大塊文章工錯綜
多稼軒

弄田園北鄙引溜藉輸斟幾罪滕遙疊數楹軒上臨黃
雲菜花甲綠水稻秧針多稼攷攷籲

當年此日心

農器圖十詠

有序

我

皇祖題耕織圖於凡耕夫織婦力作情狀之時之事無
不繪其神而詠其苦以示衣食為生民要計也語
曰工欲善其事必先利其器茲於多稼軒中命工
寫農器十具各系以詩農之器多矣然自初耕以
至納稼十器大段已具書不云乎惟土物愛厥心

臧俾日目厥艱心厥勞較之圖幽風而書無逸者
此物此志也

犁

耒耜由來操斲為叔平始教以牛施深耕利用希多穫
玉食惟當念在茲

耙

渠䟽破塊佐犁功著土根牢且避蟲踐履欲頻培欲密
即云為學豈無同

耒車

耒車播種有神權一日能教一頃全曰力曰勤曰巧備
雨暘時若尚由天

礪礪

南畝雖云播種齊更須礪礪壓塍畦功夫不惜層層進
所戒荒唐志或攜

鋤

去莠扶良古所聞萌之薙氏教春耘鎡基要在待時舉

鋤雨吾方望甚勤

水車

龍骨翻車置水濱農家灌溉踏雙輪
憐他胝足緣無雨慙作高居調幕人

鉦艾

我稼當秋幸有逢腰鎌千畝日相從
可知鉦艾奄觀日爾許艱辛獎老農

連耜

村屋邊傍築圃平振莖留結起耒聲丹青不是圖山水
彷彿當年刻木情

蓀

粗細筍三簋用精古稱玉柱豈虛評請看納稼猶無暇
幾變勤治平聲粒乃成

杵臼

小過曾聞取象觀冬宵相杵豈辭寒自耕及穫經多苦
農父何曾得飽餐

西直門外即事書懷

低麥已吐穗高麥纔三寸高低胥待澤望雨中心悶悶
望亦我常今年益徬徨潦餘民游飢亟資接青黃青黃
惟此賴邇日風轉大蓬蓬鎮揚塵披襟怒無奈無奈惟
自尤較量憶從頭盼風而懼雨春暮猶然愁春暮忽立
夏曾未十日暇盼雨而懼風秦越情殊乍情殊殊實同
無非嗟我農行當舉

常雩沛恩希

鴻濛

鏡清齋

水齋液池裔紆蹕小停留數月方一至中心惟覺羞監
民茲有會育物那無愁明日臨遷座虔居合戒遊

古柯庭得句

春併過

平聲

茲春暮來流陰瞥眼信遄哉古柯依舊吐新

葉生意何妨在死灰

題畫舫齋

北岸輕輿復轉東偷閒一帶攬煙宮春光九十勾消盡

是日三月晦

逝水如斯晝夜空遊不解愁思麥雨坐疑徐進

靜帆風每當適意多慙面為有民艱默忖中

齋居即事

低田甫得種高田已出秋麥有結穗者有纔三寸強望
雨雖未迫愁乃倍徬徨灾沴洊臻後亟待接青黃

雩祭舉龍見希霈甘膏霧然非至太甚不敢禮異常

每當

雩祭望雨甚時或徹大駕不御輦舊歲霖潦之餘
地實潤得數寸雨即佳不致旱甚故一切禮儀如常心

雖愁望亦不矯
情為過甚之舉
心則慙甚焉
惠寧齋

吳蒼

小雨

四月初二日

小雨曾無一寸滋
齋宮剛見濕前墀
可知露冕無言際
總是風庭抱悶時

山東河南撫臣奏報得雨誌懷

一日連聞兩處霑
遠欣翻致近憂添
雨纔濕地風吹去
慰在他方愁此兼
已少閒情花委砌
偏多煩緒絮糊簾

齋宮靜養神心謐祇覺勤民志未怙

詣齋宮作

天橋南潦水退盡草方青即是望霖候予心靡刻寧遑
迤度葩瑤怵惕入

櫺星九叩瞻

乾宇顒祈雨霈靈

癸未孟夏

常雩禮成敬述

去歲南巡敬遣官躬親龍見舉

雲壇自尤畏雨曉春月即漸希膏卜日干調幕無能惟
已責升薌有恪籲民安大田雖種麥秋待敢信慰言時
尚寬

題宋高宗賜張浚勅

艷詡忠勤因自道

前勅有云克渠宵遁同惡自奔寤寐忠勤不忘嘉歎

祗聞開拓

俾徐謀

後勅有云慨風塵之未靖仗忠義以親行首固邊防徐謀開拓

居尊無復軫餘

慮

亦用佑陵語

真忘淒涼五國憂

陝西巡撫鄂弼奏報得雨

春雨北方率艱致河南山左已先霑復聞秦郡膏均逮
獨是皇畿澤尚淹慰不抵愁愧心所近尤切遠感眉尖
懼雲未久望雲劇幾度徊徨巡步檐

詣玉泉祈雨

地靈

神所宅禱雨每親來又值虔祈美真成慙愧哉麥臨秋
待實稻入夏初栽惕若瞻

天宇何時霈澤恢

翠雲堂題句

問爾雲稱翠云何雨未施
颯陰亦奚濟設賴似相欺
騁目煩增緒倚吟懶構思
林泉如望幸索待澤霑時

命表曰脩踏勘直隸積水疏濬事宜詩示梗概得
三十韻

水由地中行南北勢殊異
南土勤溝洫解害而多利
北
方盡平行利少害常致率
旱澇偶逢畎澮總棄置比
年

夏秋澇乃見洪波積蒿目乏良方屢命䟽消試覆稱海
不受是誠無別計嗟嗟我災黎視爾頻受沴相與待天
時益用增慙愧發帑與截漕十求一二濟庶知天津壩

洩潦實遲滯重臣令馳往脩吏亟抵罪

叶

導宣入海河

涸壤已耕暨

初命兆惠馳赴天津相度疏消時積水村莊幾及三百水占地畝四千五百餘頃亟

令放開開渠設法宣洩並將辦遲貽誤之地方官吏分別懲處陸續據報涸出地畝已及時播種現據鹽政達色奏稱通屬積潦已消出十之八九文大釜底形難較津南倍

叶

即今此

愁旱而彼仍望霽然盡一分力庶獲一分惠繡衣分督

濬漸有可耕勢

二月內遣御史四員督查直隸積水及一切賑務據奏永安溫如玉分督天津

靜海一帶亟力開濬溝渠興柱顧光旭前往丈安大城等處丈安地勢最為窪下積潦難消上緊車庠其涸出者亦多及時佈種此均治標策未為探本義豫省及上江往年

被每逮夢麟與汝脩承旨克奏績

叶丁丑南巡時因江淮間溝洫中多闕

過汜濫之區未循軌道命廷臣分地督辦侍郎夢麟所脩浚者西自徐州東盡海汴裘曰脩時亦以侍郎督工自豫省上游疏排東注醴渠障漫馳驛召來京斯實為宣渠湖河數年以來已著成效

民甚投艱非奪情寧宜願浮議輕車汝其囊宣房汝其誌集思見毋執周視勞毋避委輸必源尋下醴求高自

功要在人為守株兔安企孰急宜先圖孰緩宜後治孰
壅宜剔鬣孰澤宜讓棄代賑防中飽舉事懷抑埴勉汝
永逸謀副予勤求意

微雨

四月初九日

淦淦灑林絲微微潤廣墀雖勝雲亦好究未地深滋盼
是宵仍作厭惟風散之林光已若沐麥秀更繁思

和闐玉款鶴仙圖歌

赤玉曰瑞紫曰玼初謂佳城血浸久和闐秋貢致盈區

一握雞冠報瓊玖乃知古人不我欺五色玉本天然有
命工琢為歛鶴仙質實美矣材虛受紅為外章白內體
訝是勾硃成畫手有仙有仙如中酒有鶴有鶴昂其首
仙歛鶴乎鶴歛仙誰則主人誰則友吳門伯虎曾作圖
欲問先生茲似否

題仇英西園雅集圖

隳括米家記裏語規模李氏畫中人底須著色求形肖
三鬣由來貴得神

復命五城粥廠加展賑期

畿輔連歲澇渴望茲麥秋即今又慮旱展轉增予憂負
汲子墜井其疚可弗求歲凶民道餓所致必有由普賑
已加月五分災並賙近城分設廠煮粥資貧流麥登未
可知養給其安投復命展賑期五月末始收無德致休
徵那更靳持籌嗟我乏食民徒跣慙垂旒人事惟補苴
奚若

天恩周顥祈雨麥田庶當少濟不

飢魚

飢魚有節候必當穀雨過鱗類乃受食育物秩南訛

解一

苑監動有例屆時已備餅伺候汝誠勤即此發予省

解二

林丞貫市間官價與市同瞿然惕中古和買豈至公

解三

往歲餅如掌今歲餅如畫麥貴以致然巧賈何足怪

解四

盤餅雖有數

去聲

寧當一一數

上聲

魚且不能言知其飽與

否

叶解五

今日飢之畢明日當更供嗟此雖予值寧非出

諸農

六解

念彼乏食民得此以為艱不肯頻投餵茲意非

從慳

解七

魚餒亦何妨苑監或竊歎利弊權重輕留餘非

失算

解八

發粟早頻仍孟子言重思儉歲實宜用曰今誠

其時

解九

詣

黑龍潭祈雨

今歲望雨况又與往歲殊洊澇民艱食不可緩斯湏亟
待茲麥熟青黃接口餉

常雩躬致懇小霑槁未蘇玉泉祈雨度惡予誠弗孚

龍湫向稱靈虔往事

籲呼清曉出園門
穡功厯驗諸秋麥
卜半收春麥盼已
孤禾黍纔出吐
待澤苗將枯以此念
益迫觸目渺愁予
崇祠近莅止怵惕
步雲衢四年實未
來一躬猶昔吾無
德致休和有求多
愧悚敢云禱久矣
曷其寧惠乎

雨七首

四月十七日

一更星朗月更明
今夜拚無聽雨情
靈湫致禱仍孤望
露立徒愧感弗誠

二更絕望聊就枕假寐即醒誰能寢中人試問夜如何
云有微雲天際淦

三更夢迴覺輕寒問知微雨霏闌干欲披衣已報徐止
攬衾恐自餘長歎

四更復睡仍復覺淅瀝漸聞庭樹敲惜哉小作勢旋息
猶幸濃陰空宇罩

五更時零時亦休傾耳那覺簷泉流通宵無寐竟虛擲
鷄鳴問政空增愁

自卯至酉一六時或踈或密焚銀絲掘地四寸已及濕
把筆纔得舒雙眉

舒眉不似常年喜常年得雨斯佳矣麥雖少救大田遙
澇後民艱廩無已

夜雨六韻

傍晚霏徐止起更

平聲灑更

去聲綿入聽

常颯爾不寐亦欣

然枕忘前宵熱簷宣瀑布泉重衾猶愜當終夜與周旋
渥澤愁真釋遐方繫轉懸究無心喜日自笑自生憐

降旨展直隸各州縣粥廠賑期詩以紀事

粥廠佐例賑最濟老幼貧五城發官穀州縣捐資循日

久慮難繼穀命官出困自冬逮首夏想活無數人昨旨

命展期止以霈澤均旨降隨霑膏停期恐即遵

昨以麥秋未屆

顯望甘霖各州縣官設粥廠於畿輔貧民可資接濟特命發倉穀展賑以得雨為期冀日時雨普降恐有司即行傳止申命再展半月則可延至麥秋矣普令展半月庶及麥秋新上以承

天庥下以惠吾民惠民寧從厚嗟哉溝壑頻

題滌霞樓

既雨偏欣晴亦佳御園景物與清皆憑樓幾片輕霞染
却異南昌作賦懷

采芳洲

遠暎雲林近俯池羣芳生意總含滋楚騷稱物如相擬
采采吾方念在茲

怡然書屋偶題

架是琳瑯筍牀非玳瑁筵識名探義府玩象汲神淵少
暇慙繭紙多愁憶麥田甘膏渥盈尺今日始怡然

接秀山房

雨足諸凡好西山送秀來爽真在襟袖潤直到根芽
聖日常懸照薰風正阜財徘徊瞻

寶額訝似過庭纔

柳浪聞鶯

十景西湖名早傳御園柳浪亦稱旃栗留幾囀無端聽
訝似清波門那邊

首夏討源書屋

切予憂喜感

慈恩雨足承

歡笑語溫攬景昨晨迎

懿輦問

安今日詣仙園

萬年康健欣退食數字軒齋憩討源仍即前朝咨政處
此來消釋許多煩

昆明湖上泛舟遂至玉泉山

湖水今年總未消，雨霑雅稱試清遨。
小舟纜引大舟進，西岸人從東岸招。
綠葦數灣原可溯，玉泉十里況非遙。
潤芄稻頃真宜望，不計橋過第幾條。

玉泉山即景

尋源進畫航，雨足改山光。
沃若干林表，悠然一水方。
亭軒含靜趣，花木吐新芳。
叩貺魚攬景，前朝約擬償。

前至此禱

雨題翠雲堂一律有林泉如望幸索待澤霑時之句

清貯齋

山已清蕪水復清與心謀是靜無營高齋一例惟虛受
坦蕩不虧亦不盈

華滋館口號

華滋豈不尋常到今日華滋真副名一雨千林涵秀潤
得教閒館暢閒情

竹鑪山房烹茶作

山房臨水瀝曲盡山水情黛色落波瀾練紋翻簷楹茗
椀與竹鑪安帖陳縱橫調泉謝符檄就近貯餅罌用汲

雖等閒惕然思王明

試墨泉戲題

試墨名佳選壁鐫自慙劍舞與針懸
幾曾攜墨泉邊試便是即真恐負泉

罨畫窻得句

到處虛窻名罨畫畫情殊致恣堪憑
山樵雄厚雲林簡不礙都稱最上乘

掛瀑簷

瀑自峽中垂却擬簷前掛誰賓復誰主同一供佳話百丈水晶簾合相琉璃界萬有納以空底論湏彌芥

創得齋

山莊創得此輪樵

避暑山莊新構齋亦以此名之

藉問斯齋復始誰一

切名稱都幻相交蘆堪悟即還離

石舫二首

玉泉消得片時遊恐即貪嬉亟返舟噴水收帆維石舫又因摘句小延留

從來剗木取輕浮，上水偏遲下水遒。
石舫雖然艱動轉，却如砥柱峙中流。

鑑遠堂有會

水監亦云可坦蕩，含虛明即景非暢觀。
怵然厖衷情遠固，不易鑑近尤可畏。
增一指設當前，泰山失崢嶸。
晃旒雖蔽目，未形視宜精。
察察豈為佳，恢恢良足稱。

賅春園

山陰數宇小園開，却是今年初度來。
萬紫千紅歸靜觀。

春光原可一言賅

構虛軒

峯頂敞雲居
平陵若構虛
碧窓試褰幌
綠野遍興鋤
集道難希彼
論文實起予
片時安五字
消得壁間書

澹寧堂

後階臨水白
前戶對山青
動趣都涵澹
靜機常覺寧
觸懷良有會
繕性每因停
論德曾無似
休稱陋室銘

御製詩三集卷三十

欽定四庫全書

集部

御製詩三集卷三十一

詳校官侍郎_臣謝墉

助教_臣常循覆勘

總校官原任中允_臣王燕緒

校對官中書_臣蔣寬

謄錄監生_臣李逢泰

欽定四庫全書

御製詩三集卷三十一

古今體一百十六首

癸未五

山西巡撫明德奏報得雨

北省均霑山右旱憂斯忘彼豈予公既蒙解澤霏優渥

遂問晉陽是異同

先是明德奏報晉省望雨甚殷京師於四月十七日得雨畿輔均霑渥澤

即傳旨詢問晉省亦被澤否旨尚未到明德摺奏此至稱太原等屬亦於是日普被甘膏千里置郵

旨未到冀朝披牘慰無窮而今惟有祈年切敢即云欣

益省躬

詣

黑龍潭謝雨因成

致請其宵霖霖纖翼朝繼夜遂均霑此番

神貺洵優速不可予誠曰度占禱以久哉益慙切逢之
幸耳倍欽添輕輿趁爽來虔謝雨後田功夾路覘

遊大覺寺禱詠

靈潭致謝爲興犁趁爽輕輿路轉西已覺暘臺迎秀色

更須盤度幾重蹊

回蘇木黍蔚新秧望麥欣增餅餌香宣命羽林禁蹂躪
以艱得故惜逾常

莅止花宮駐福田禪枝忍草捻依然了知調御無來去
瞥眼流光却五年

題和闐玉寒山拾得入巖圖

遯迹國清寺往往狂士同豐干忽饒舌曰在庫院中刺
史胡相訪把手歸碧峯香藥齋供養說偈報愚蒙呵呵

入巖去內空內外空穴合弗更開躅範覓何從玉人瞞
不得孰曰非形蹤

引涼小樓

滌盡炎囂引嫩涼小樓拾級見村莊披襟敢傲雄風爽
樂在連阡麥穗香

開鑑堂

東沿迤南岸虛堂監水情心恬波不起意入照常明豈
待旃磨朗居然奩象呈貞觀設三喻何事獨遺名

琴趣軒

不學陶家絃亦無底誇李氏寶稱孤暗泉滴處聲同調
祇有徵招意厖吾

夜雨

四月廿二日

既霈亦誠易風還送雨來喜真逢望外澤益繼前迴勢
暢簷垂靈氣宣山出雷曉看綠疇處禾黍長如催

西直門外二首

掄魁有事禁城還麥隴禾疇歷覽間一雨都迴生意蔚

幸惟額手慰開顏

橋畔池堂號倚虹往來停蹕俯澄空東流恰似前題句
一例滔滔去不窮

豐澤園

油菜登場麥秀齊
田藝稻綠秧萋
邇來雨澤誠優矣
得共農民大慰兮
歷覽恰從鱗甸外
小停取便鳳城西
略因清暇尋餘事
竹徑松軒觸緒題

物魚亭

池上為亭號叔魚曲欄牒步偶憑諸陡思大雅靈臺什
不覺怡然覺愧如

靜憩軒

假山歲久真山似峭舊閒房靜憩宜消得一年來幾度
自嫌結構屬多為

題韻古堂

古屋液池邊古鐘依律編周迴十二月隱現幾千年詎
曰音歸正還教關補前

古鐘十一得自江西臨江廷臣
辨識以為周器補成十二懸於

此堂並詳加考正定以古鑄鐘即係律鐘勅樂部嗣
後用樂各按十二月律呂悉以律鐘起調以協雅音
無能致率舞祇合此高懸

夕

首夏晝方長日落西北隅禁中了不炎氣清霑雨餘略
慰憫旱心消閒觀我書宋帝垂芳訓開卷有益吾知益
怠力行空言奚補乎

傳臚日作

中和樂奏旭光昕臚唱金階燦五雲雖是三年例一舉

誠期多士致超羣家脩廷獻原存行去聲責實循名詎止
文似矣榮辭勉從政佐予敷治萬民欣

淑清院

太和臚唱罷西苑易朝衣泉石百年古松篁四面圍猶
清春已謝曰淑善之幾何必五絃攬薰歌萬物揮

千尺雪二首

三間精舍倚峻嶒每愛清幽輒憩憑假藉南方千尺雪
真如陳老一條冰

到處方圓有竹鑪品泉聊與試清娛
匡牀甫坐茶擎至
陸羽多應未肯吾

賓竹室

新筍成篁綠鬱森非耽幽籟學虛心如云伐木興
平聲
宵雅亦欲頻遊君子林

題漪瀾堂

山後液池濱書堂俯碧淪目觀知有術心契在無塵
文異成原似玉如溫且純胥非予切已切已監於民

自長河進舟至樂善園

石衢左右已觀農
河畔因之歷覽重
稻下黍高盡芡綠
進舟額手慶斯逢

今歲還宮幾往迴
長河舟泛此番纔
綠陰雨後清如滴
咫尺溪園得暫陪

樂善園

維舟傍柳岸散步遊溪園
顧名思元善所樂應斯存
長人胥宜體詎止東平藩
花木亦盈庭琴書亦陳軒
玩象

足悅心寧在摘詞繁

蘊真堂

一歲無過一兩過花紅樹綠自婆娑
蘊真藉問真奚蘊
風在庭前水在波

含清齋

園古圍喬樹齋虛藉小池當年潘氏賦
此日謝家詩
協紀維時秩羣芳過雨滋成吟消片刻
旋復命舟移

舟過萬壽寺戲題

廣源高水拍船脣

長河之水以玉泉為源過萬壽寺左側廣源開始有高下之分

船過

祇園古岸濱識矣松篁三徑路置之空色不言津愛他
有力風前布笑我竟為門外人望雨憂愁得雨喜欲詢
調御屬何因

新蟬

柳岸初聞鼓脇鳴憐他首夏報秋聲東流水自滔滔去
誰是無情誰有情

過湖心亭成詠

水貴有節制弗取一往流石埧貯盈科泉源猶上頭數
頃宛成湖其心亭實樓製儉於明聖所喜名清幽進舟
無暇登隔岸與目謀憶我三巡浙湖心句每留此誠近
而便曾未一再遊忽近而事遠皆然我亦猶忙如為之
懼於政其可不

繡漪橋

湖口東南第一橋鎖波委影勢飄蕭假如借作天孫杼
繡出應饒泉客綃

鳳凰墩

墩在水中央乘閒一繫航樓臺皆倒影花木有奇芳到
必因風水騫如引鳳凰忽疑遊惠麓溪泛憶從梁

惠山園

鳳凰墩似黃埠墩惠山園學秦家園舟到其他則且置
松巖之下先得門水態山光經雨好墨林書案供清討
長河兩岸綠疇風徑送溪堂愜懷抱懷抱愜矣幾復閒
新題舊什推敲間幾度南巡寧為此笑未開顏慙顏

題紫蘭

卉有稱蘭其色紫葉將花似少香風奪朱已見尼山惡
綬佩難期楚畹充

賦得舜歌南風

得薰字八韻
散館試題

溯維鰥在下元德早升聞欽受心傳秘奮庸帝載勤四
門惟籲俊八伯已歌雲大鹿興於野五絃詠是薰阜財
期暢遂解慍化囂紛初慮同時舜中謠比律殷咸熙庶
哉績用協煥乎文豈不懷景仰矐如空自勲

雨

四月廿八日

五日移風候滿庭發土香又漸平午熱已報入宵涼雲陣鋪空密田農引思長麥非收割際徹夜審何妨

木根孟

生意已辭枝葉靜供堪侶鉢餅設使其間貯水茁蓮色定為青

綠稠齋

就樹為齋號綠稠滿庭沃若翠陰流非關孟氏論王道

事半亦看功倍酬

賦得西山入畫

藉水山逾遠居東西畢臨開窓納虛朗列岫入嶽峯雅
似繪工染如聞樵唱音

當年知仁樂此日構堂心

雨中舟泛

午晴倏忽起山雲靈雨飛來瞬息紛咫尺舟中如不見
祇餘軋軋棹聲聞

微雨昨宵業已佳，傾盆得此益欣懷。
懋勤硯匣常供奉，攜句何殊坐水齋。

端陽日作

膏雨方欣渥，甫田鬱攸災。忽寢齋邊

是日漏四下園中
幼婢視鐺火不謹

勢近寢齋撲
救侵曙始熄

徹塗拚過天中節，頓置

慈娛為懽然。

祖篆

宗題都好，在

寢齋前殿懸
九洲清宴額

皇祖圓明園賜額中
皇考御書也是日殿角

火燄已侵倖遇返風徙薪曲突竟忘幾肯堂仍舊觀而
而止若有呵護者然

止萬戶千門敢遂非

命金廷標撫李公麟五馬圖法畫愛烏罕四駿因

疊前韻作歌

元祐頗亦訖聲教于闡董璫達狄鞮左騏驎院育良駟
鳳頭錦膊名堪稽以此公麟留妙蹟不脛乃入西清西
徒觀傳神及畫骨詎珍金躡與玉題茲者致貢愛烏罕
昂藏有過無不齊泰西繪具別傳法

前歌曾命郎
世寧為圖

沒骨

曾命寫裏蹏著色精細入毫末宛然四駿騰沙隄似則

似矣遜古格盛事可使方前低廷標南人善南筆撫舊

令貌銳耳批驄駉駿各曲肖卓立意已超雲霓副以

于思服本色

郎世寧所畫有馬而無人茲各寫執勒人一如伯時卷中法

執勒按隊

牽馱馱以郎

世寧

之似合李

公麟

格爰成絕藝稱全提匪說

攸聞垂往訓萬類一理終無睽長歌慙匪工部健徒懷

往作吟蘇篋

向題李公麟五馬圖起句云杜陵題畫馬不一要貴取義非脩辭又于美別蘇篋詩

有贈爾秦人策莫鞭棘下駒之句

喬松歎

松非槐柳質耐寒不易長廿年略入格卅年始成象清
暉閣之前九株撐偃仰年將與我齊從幼看枝放叶春
風謖籟清秋月含輝朗溜夏雨陰森傲冬雪個儻值早
我焦勞嘉蔭不知爽遇霖我徬徨團蓋何曾享愁喜莫
弗共喜少愁恒快實如患難友期汝千年上忽然不戒
火延及摧骭骸豈無爛額者竟難救一往嗟哉會凌雲
倏見淪礫壤強顏題五字已事那堪想

李唐風雨歸舟

雨絲風片拂煙舲曲盡人情筆有靈
蕩槳撐篙各殊致同歸恰好註羲經

賦得大禹惜寸陰

得陰字八韻
朝考題

仲尼欲行夏陶侃益分陰尺璧原非寶寸曦有獨欽
設韜求善諫起饋勵殷心詎曰身為度常如帝式臨泣囚
愧恒切養老意方深惡旨千秋法象州九鼎謚始終克
艱凜玩愒敢偷尋五字非誇藻思同庭燎箴

西直門外

齋居復還宮清曉徐鳴鑾鳳城廿里遙田功歷歷看一
雨真稱靈半月頓改觀秋麥率已收春麥穎粟攢黍梁
總芄綠葉上瑞露溥額手為民慶庶濟青黃艱旋又為
民憂西成時正寬

雨

五月十一日

兩日密雲雨若懸情知欲霈意茫然優添澤亦寧非慶
為近霽因慮作綿經事多翻成畏事舊年轍恐蹈今年

去年夏至雨勢綿延麥將刈而收成輒減今入
夏待澤甫獲頻霑而比日同雲未免又生過慮
放晴斯好麥定收還利大田中宵索

夏至日有事於

方澤禮成述事

金輿紫陌五更晴路轉東華出北城莅止

澤壇仍歲泆欽升

琮玉甫晨明雙成

鳳幄垂方正六琯礪望奏廣平廿八年常承祀事敢因

歷久懈予誠

賦得結網求魚

得賢字八韻
考翰詹題

天人三策對治理一言宣直譬探源處允標登岸先不
如退結網詎在坐臨淵設欲鮮鱗得寧當良罟蠲踈疎
弗漏耳太密亦妨旃取象肇義帝發端由漢賢弛張絜
心矩沿革與時權冒昧云更化益求損甚焉

驚鷺鷥爾

有序

尚書阿桂還自伊犁以所獲驚鷺鷥爾鳥進色正黝

尾中散白點如雪糝赤睛黃匡翎戢戢駢半雉扇
然詢其名既無義可索或請按鳥譜近似者當之
予曰否否昔夏后羽毛作貢厘中土職方恒產厥
後吉先生翠又不越嶺表炎洲而止且名率侈艷
弗深考乃者新域既屯既城綏遠所徵繫誌實是
賴則思曩日剡筇之雄風紀今時鳴岐之雅則不
其遑乎爰仍其名命郎世寧為之圖而系以詩

鷺鷥爾何出伊犁沙水潯戍還因致此鳥譜絕難尋項

背如鷓鴣間關學戴鵁白斑黑尾點黃暈赤睛深忽得
壯京闕能無憶故林聊將紀殊域非是寶珍禽

盛懋風雨歸舟

短篙破繖自支撐活脫舟人冒涉情此際同心期彼岸
無端異議有誰生

體物

鴨鶩本同族祇以家野殊家鴨飽稻梁猶嫌飼不敷生
卵弗復顧有鷄為去聲其孚野鶩自謀食恒慮矰繳謀叶

生卵自翼成劬劬將羣雛以驚理移鴨鴨類將盡無以
鳴理移驚不久絕驚徒體物有會心艱哉給求圖

微雨

五月
望日

微雨纔成寸曾無眷惜心為因收麥候却恐作梅霖落
地香生土驅炎爽逼襟晚來高樹上最愛夕陽深

題澄練樓

湖上乘舟至登樓更望湖一層高位置萬象頓形殊豈
藉天孫織分明少女鋪今朝宜有喜喜在稻苗腴

尋雲亭

古松香護小亭芬得逕常從蒼蔚分深處濕衣看不見
強^上安名曰此尋雲

題王穀祥仿夏森畫冊二十六幀

溪橋策杖

先生舊與白雲遊何事支筇野釣頭疑是翻然到吳郡
返因興罷肯遲留

繡壁開雲

過雲錦繡似雲披纂組丹黃更陸離石壁漫言無巧樣
天孫機架此曾支

沙津艤渡

艤舟沙岸攜童子囊橐相隨擬問津雞黍孔門猶致議
寄言作者又何人

江岸歸漁

西若東瀼隨泛宅蓬頭跣足共浮家銀鱗網得入漁市
持換香醪不用賒

煙波釣艇

煙波萬頃澹迷離
七尺青竿一丈絲
不有元真茗雪趣
何殊樵子在山時

江深草閣

鏡水屏山翠欲交
虛明向遠入江郊
恰如老杜新題句
背郭堂成蔭白茅

春風禽語

翠柳絲絲蘸碧潭
黃鶯恰恰弄音酣
空林且喜無人聽

謾舉陳言艷酒柑

漁浦秋深

來去湖天總不期
鯉魚風拂綠蓑披
請看孤鷺齊飛處
正是絳州作記時

一竿靜趣

倚樹持竿俯碧泠
鉤無餌豈為魚鯉
畫家不著伊誰氏
恐似嚴光釣客星

飛泉清聽

踦踞科頭聊放浪臨流坐石足清真誠然樂處多名教
何礙容兼此輩人

臨流寄逸

含貞養素許巢儔濯足惟應萬里流橫遍九州豎千古
幾人當得看青眸

風雪歸人

風雪漫天野渡濱柴門不見夜歸人藉知小夏法無匹

王穀祥本撫夏森筆
法見冊後自識語

更憶長卿句有神

疎柳寒鴉

幾絲蒼柳染霜輕
鴉背飛翻夕照明
風物報人寒近矣
授衣時節最關情

平臯清唳

疎林霽色滿平臯
唳出仙喉調自高
舉似華亭寄清怨
不知為陸抑為陶

水宿相呼

溪鳥無名有匹隨
葦叢命侶意熙怡
問誰識得相呼趣

子美當年水宿時

風蒲裊浴

濕蒲垂露復含風
浴浪羣鳬出綠叢
煙雨瀟湘渾一致

佳名何獨讓冥鴻

春江水暖

詩禪誰占最高乘
小杜髯蘇句可徵
梅徑餘寒蝶未耳

春江已暖鴨先曾

會心魚鳥

鳥集蘆枝魚泳波
親人樂處會心多
水天空闊供俯仰
濠濮奚當較若何

桑陌占時

季春月令降於桑
織婦耕夫一例忙
何必談奇辨鷓鴣
端知綴景勝鴛鴦

響谷樵柯

樵柯不見入山深
却聽丁丁出碧林
抑笑士乎抑求友
同詮宵雅渴賢心

原上飛鳴

在原水鳥曰雛渠行搖

去聲

飛鳴急難如比似鷓鴣同物

類唐宮作頌豈虛譽

在梁興詠

或降于飛或在梁相關樂意水雲鄉詩人寓義分明會
上下情親福祿長

飲啄自如

溪梁栖鳥不知名飲啄悠然適性情萬物散殊欣職殖

好生天地有何營

荷塘飛鷺

晚來微雨過荷塘水面風輕溪閣涼
野鷺闐然忽飛起掠空猶帶滿身香

蘆汀霜信

蒹葭采采不成叢白露為霜肅碧空
清怨問誰能寫出試聽二十五絃桐

秋水清標

參參獨立髮垂絲
西室中人想似之
寫物渾成自寫照
寧誇優孟效前為

恭奉

皇太后啟蹕幸避暑山莊作

有序

麥風扇牖北至正
爾迎旬霖雨收林
南訖於焉叶

序佇園齋之待葺
志奉

慈娛臨塞館以來
遊言循

祖制同朝啓駕率
衛士以前驅按頓

徐征命親藩而扈從時也青黃稍接茹簷餅餌香新暘
雨維時清朗稔種穎擢汙萊已滌觀民而誌輯河
渠輸輓無勞阜俗則經籌食貨倉粟散因陳之積
頒逮周廬害煤資挹取之供直平近市仙莊宜

避暑前郵即迂

安輿秘殿稱延薰駐蹕疇咨法從披六曹之政牘排日
封函掄九品之選人閱時輪對幾餘典學寧孤脩
畧於長贏農隙詰戎更改高秋於大野因詹吉旃

用冠行編

有事園齋待葺脩山莊先節奉

慈遊

每歲秋月啓駕茲以修葺園齋啓程較早月餘按程徐進

高年適避暑真宜

夏清留稍喜青黃資食接更看高下蔚苗稠長途歷歷
觀農況敢為巡行忽本謀

收麥

收麥南北殊節復異先後南人用鉏艾北人拔以手南

餅已登盤北糧猶棲畝今朝見收麥嗟爾待之久婦子
並赴時災後資餬口輟作跽道旁子曰茲否否衛士不
汝呵民官不汝取賴此接青黃力穫莫孤負聞言各喜
躍擻拗相抖擻因悟化民方不在勤訓誘

降旨免經過州縣賦十分之五詩以誌事

厯歲來巡例免三昨年加二為邇渰正當元氣未復際
仍與優恩普被湛夏長已佳誠滿望秋成待至敢輕談

閭閻已自無征調

近畿歉收州縣應行蠲緩各項已屢
經降旨格外蠲緩今歲二月內復命

將勘不成災之處本年應徵錢糧緊緩至秋成後再行酌量帶徵是二麥收穫時催租之吏可以掃迹矣二

麥登場任負擔

白河

白河細如帶兩岸露沙灘策馬渡草橋下視清波瀾迴思前歲秋架縛如彼難智慧貴乘勢此語良不刊麥浪翻黃雲稍為吾民寬

密雲縣行宮作

乘涼侵曉行駐蹕亦率早過午曦放炎車歇馬歸阜僕

役已休息風樹陰眠飽行宮雖弗寬
爽塏足靜好既不
染煩囂用因味理道

即事

麥穗亞隴青向北氣寒故禾黍蔚如油
按轡欣所遇在
茲設言茲一雨益稔穫行人並增爽
守吏免灑路獨慮
或過恒迤南則致誤嗟哉所願多
那是忘憂處

長城行

長城長城何崔嵬人不能為

平鬼為

去聲開平岡風雨或

頽落絕壁傑豎仍隕隗碎礫埋砂識秦代其下白骨久
成灰前人所為後人效恃此欲拒北馬來長城處處皆
可入處處守禦真愚騃叶君不見側峯橫嶺雲中峙飛
鳥難緣城自疑爾時發帑奚供此民脂民膏盡於是二
世而亡猶幸耳逢君剝下誰承旨蒙恬地脉言何鄙

出古北口

浮翠千巒烘曉晴觀民按轡出長城天然龍幹分南北
便覺爽風拂面迎

潮河如帶向南流敗壘頽垣不事脩設待脩茲為守禦
繫桑已是失長謀

關外從來禾黍佳夏田飽看蔚苗皆歟餘况復秋成遠
不敢欣懷祇懼懷

興州厄魯例來迎効力馳驅各盡誠三十年前皆勁敵
念茲惟益凜持盈

曉涼

曉涼迎谷口馬上欲添衣
芡墅炊煙起蘿巖露氣霏
陡

溪鳴瀑水峻嶺隱朝暉昨午騰炎熱迴思意頓非

再題常山峪行宮八景

綠樾徑

今年綠樾真綠樾為是尋蹊當夏時批閱封章尚餘暇
不妨一再與題詩

虛白軒

生白惟虛蘊妙理一年一度此言徵明朝仍便忽忽去
故是斯軒所獨恒

青雲梯

千層蔚綠倚嶙峋
階級分明總絕塵
為問尋梯進步者
幾人真是箇中人

楓香阪

塞山露重如垂雨
飛翠流芬潤意凝
幾度青楓林下過
衆香國裏得相應

蔚藻堂

靜中動是山水態
動裏靜惟花鳥情
看待主人無別物

起吟佳趣面呈

如是室

延清觀妙會心皆擬議寧因梵帙排虛室設為刮目待
猶如是亦底稱佳

翠風埭

無色形天有色形鳴條送爽復流青東坡昔日乘涼處
翠幕張如擇勝亭

陵霞亭

煙霞負帶迴孤超
支父方回若可招
賦讀天台工體物
居然塞外赤城標

駐蹕喀喇河屯行宮作

香風禾黍拂行旌
按頓今朝駐黑城

喀喇河屯漢語為黑城也

萬疊

塞山惟北拱一條灤水鎮東征
松濤檻外飄音颯蘿雨
巖前作點輕羽扇罷搖心地爽
分明避暑報先聲

山雨

山雨來如驟
山雲去若馳
纔看天宇暗
倏見日光披
二

麥未收際大田方長時較量隨地道正復兩相宜

灤陽別墅

灤水猶未漲扁舟易渡河
虛軒恒好在隔歲又相過
樹下風延爽花間鳥弄歌
雨佳晴亦可不必較如何

小金山

灤江東去海歸墟獨峙中
流浮玉如不讀莊生齊物論
每從小大擬分疏

虛軒峯頂祇三間那許樓臺包却山
昨歲石薄景猶記

羸將一著是幽閒

山鼯跳樹如添翼
山鳥銜花自引雛
習習爽風拂巖落
往年秋意了無殊

雨晴

昨宵密雨曉來晴
麥實增腴黍怒生
欲識塞山殊特處
朱明乃覺颯寒迎

至避暑山莊駐蹕作

山莊避暑

祖功深待葺園齋用早臨綠嶼青峯新景色對時育物
舊神心欲憑福地遣煩緒自有雲山啓靜吟明日
慈興便言至歡迎

夏清仰

徽音

鑑始齋

翠陰籠護萬松深鑑始恒教一再臨此是當年受
恩處益因刻勵覲揚心

永佑寺瞻拜

神御作

永佑義從恩佑建

考容敬奉

祖容旁

山莊以恭奉

皇祖素喜遊憩之地於甲戌年即神御每來必展拜去歲始敬擬並奉

皇考御容茲至山莊祇謁行禮

維欽

雲日心無數益勵繼繩志不遑樂利男耕將女織

昭回水態與山光年年萬樹宴新附敢曰能承少謝覆

寫心精舍

精舍永佑旁向曾名寫心問心於何寫繼述予日欽
勤民視如傷畏

天凜難諶崇文慮文恬詰武戒武淫

祖功與

宗德如日月照臨遊巡貴有事寧在盤山林

玉琴軒

雲館山之裔更臨水之涯引流繞階前活活復涓涓是

中八音具繹如和且佳玉琴雅可方箏瑟非所諧即景
於何當南風企遙懷

御製詩三集卷三十一